

## Evening Dogri (NSD)

25-12-2025

1915 hrs

### खबरां

1. प्रधानमंत्री नरेंद्र मोदी होरें लखनऊ च आखेआ जे सरकारी स्कीमें दी परिपूर्णता सरकार दा लक्ष्य ऐ।
2. राष्ट्रपति द्रौपदी मुर्मू होरें संथाली भाशा च संविधान दा विमोचन कीता।
3. उप राष्ट्रपति सी.पी राधाकृष्णन होरें पंडित मदन मोहन मालवीय हुं'दिएं संकलित कृतिएं दी दुई ते अखीरी श्रृंखला महामना वांडमय दा विमोचन कीता।
4. केंद्री गृह मंत्री अमित शाह होरें आखेआ जे ओडिशा थमां नक्सलवाद दा पूरी चालली खात्मा होने गै आह्ला ऐ।
5. केंद्री उपभोक्ता संरक्षण प्राधिकरण नै विजन आई.ए.एस अकैडमी पर यू.पी.एस.सी सिविल सेवा म्तेहानें दे नतीजें बारै गलत मशहूरी करने लेई जुर्माना आयद कीता ऐ।
6. यिशु मसीह हुं'दा जनमदिन क्रिसमस अज्ज पूरी दुनिया च पूरे जोश ते जज्बे कन्नै मनाया गेआ। प्रधानमंत्री नरेंद्र मोदी होरें नमीं दिल्ली च कैथीड्रल गिरजाघरें क्रिसमस प्रार्थना सभा च हिस्सा लैता।

<><><><><><>

### PM Lucknow

प्रधानमंत्री नरेंद्र मोदी होरें अज्ज आखेआ जे पिछले 11एं बरें थमां उंदी सरकार समाज दे हर इक नागरिक दी बेहतरी लेई सख्त मेहनत करा'रदी ऐ ते स्कीमें राहें उ'नेंगी विजन कुसै फर्कोफर्की दे सब चाल्ली दे लाहू हासल करोआ'रदी ऐ जेडा इक सच्चा-सुच्चा सुशासन ऐ ते सच्ची धर्म निरपक्खता ऐ। प्रधानमंत्री मोदी, साबका प्रधानमंत्री अटल बिहारी बाजपेयी हुं'दी 101मीं जयंती दे मौके पर लखनऊ च इक सार्वजनिक रैली गी संबोधित करा'रदे हे। उ'नें लखनऊ राष्ट्र प्रेरणास्थल दा उद्घाटन कीता जेदा निर्माण स्वतंत्र भारत दिएं महान विभूतिएं दे गौरवशाली विरसे दे प्रति सम्मान प्रगट करने दे श्री मोदी हुं'दे संकल्प मताबक कीता गेआ

ऐ। राश्ट्र प्रेरणा स्थल श्री बाजपेई हुं'दी जीवन ते आदर्शे गी श्रद्धांजलि होग। अपने संबोधन च प्रधानमंत्री होरें आखेआ जे सरकारी स्कीमें दी परिपूर्णता उंदी सरकार दा लक्ष्य ऐ ते हुन करोडा बद्दे गरीब नागरिक इन्दे थमां लाहू ठोआ'रदे ना। इस मौके पर भारत रत्न अटल बिहारी बाजपेयी होरें गी चेत्ता करदे होई प्रधानमंत्री होरें आखेआ जे उनें नेहियां केई पहलकदमियां चलाइयां न जेदे नै मुल्खै दी तरक्की आह्ला मंजर बदली गेआ ऐ। उनें बशेश करी प्रधानमंत्री ग्राम सड़क योजना जनेहूी पैहलकदमी दा जिक्र कीता ते आखेआ जे 2000 ब'रे मगरा इस स्कीम तैहत 8 लक्ख किलोमीटर सड़कें दा निर्माण कीता गेआ जिंदे चा 4 लक्ख किलोमीटर सड़क पिछले 11एं ब'रें च बनाई गेयी। रक्षा मंत्री राजनाथ सिंह ते मुख्मन्त्री योगी आदित्यनाथ ते राज्य मंत्रिमंडल दे दुए सीनियर मंत्री बी इस मौके उत्थें मौजूद हे।



### Prez. Santhali

राश्ट्रपति द्रौपदी मुर्मू होरें अज्ज नमीं दिल्ली च राश्ट्रपति भवन च होए दे इक समारोह च संथाली भाशा च संविधान जारी कीता। इस मौके पर राश्ट्रपति होरें आखेआ जे एहू सभनें संस्थाली लोकें लेई मान ते खुशी दी गल्ल ऐ जे संविधान हुन संथाली भाशा च उपलब्ध ऐ। एहू ओ.आई चिक्की स्क्रिप्ट च लिखेआ गेदा ऐ। उनें आखेआ जे एहूदे कन्नै ओहू लोक अपनी भाशा च संविधान पढी ते समझी सकडन। राश्ट्रपति होरें आखेआ जे इस ब'रे ओल चिकी स्क्रिप्ट दी 16मीं साल गिरह मनाई जा'रदी ऐ। उनें संविधान गी ओल चिकी स्क्रिप्ट च आहनने लेई केंद्री कनून ते न्याऽ मंत्री ते उंदी टीम दी एहूदे लेई सिफत कीती। इस मौके पर उपराश्ट्रपति होरें इस पहल लेई राश्ट्रपति द्रौपदी मुर्मू होरें गी धन्नवाद कीता। उनें आखेआ जे इस बड्डी पहल कन्नै संथाली बोलने आहले लोक अपनी भाशा च संविधान पढी ते समझी पाडन। उपराश्ट्रपति होरें चेत्ता नुआया जे झारखंड दे गवर्नर दे तौरा पर राश्ट्रपति मुर्मू हुंदे समें च उनें आदिवासी कल्याण लेई केई गैंऽ पुट्टियां हिआं ते आदिवासी संस्कृति ते भाशा गी सरगर्मी कन्नै बढावा दित्ता हा। इस मौके पर कनून ते न्याऽ राज्यमंत्री अर्जुन राम मेघवाल बी मौजूद हे।



## VP-Madan Malviya

उप राष्ट्रपति सी.पी राधाकृष्णन होरें अज्ज नमीं दिल्ली च पंडित मदन मोहन मालवीय हुंदिएं संकलित कृतिएं दी दुई ते अखीरली श्रृंखला महाना वांडमय दा विमोचन कीता। इस मौके बोलदे होई उप राष्ट्रपति होरें आखेआ जे महामना हुंदियां कृतियां छडा कागदै पर स्याही कन्नै उक्करे दे अक्खर नेई ऐन, सगुआं भारत दी स्वतंत्रता दी लडाई दा डी.एन.ए. ते मुल्ले दे सांस्कृतिक पुर्नजागरण दा खाका ऐ। उनें दस्सेआ जे अंग्रेजें दे राज दरान पंडित मदन मोहन मालवीय इस गल्लै पर पक्का विश्वास रखदे हे जे शिक्षा राष्ट्र गी जागृत करने दा इक सशक्त हथियार ऐ। उपराष्ट्रपति होरें अगगे आखेआ जे मदन मोहन मालवीय हुंदा जीवन इस सच्चाई दा चमकदा सबूत ऐ जे कियां शिक्षा समाज गी कियां बदली सकदी ऐ। उपराष्ट्रपति होरें जोर पाइयै आखेआ जे एह नीति मालवीय हुंदे शैक्षिक फलसफे दी आधुनिक हकीकत ऐ जेदे नै आत्मनिर्भर नमिएं काडुं गी विकसित करने आले ते समाजी तौर पर जिम्मेवार नागरिकें दा विकास यकीनी होगा।



## Shah Malviya

केंद्री गृह मंत्री अमित शाह होरें अज्ज महामना पंडित मदन मोहन मालवीय होरें गी उंदी जयंती पर श्रद्धांजलि भेंट कीती। सोशल मीडिया पर इक खेह च श्री शाह होरें आखेआ जे मालवीय जी शिक्षा गी सामाजिक सुधार दा मूलमंत्र मनदे हे। उनें आखेआ जे बनारस हिंदू विश्वविद्यालय दी स्थापना दे माध्यम कन्नै मालवीय होरें युवाएं गी भारती संस्कृतिक मुल्लें पर आधारित आधुनिक शिक्षा लेई प्रेरित कीता। शाह होरें प्रेस गी राष्ट्र निर्माण दे इक तगडे जरिये च बदलने च मालवीय हुंदे महत्वै आहले योगदान पर लोऽ पाई। उनें आखेआ जे छुआछूत गी खत्म करने ते करसानें दी भलाई-बेहतरी लेई उंदी आजीवन बचनबद्धता सदा यादगार रौहग।



## Shah Odisha Naxalism

केंद्री गृह मंत्री अमित शाह होरें अज्ज आखेआ जे ओडिशा पूरी चाल्ली नक्सलवाद थमां मुक्त होने दी कगार पर ऐ। नक्सल मुक्त भारत दी दिशा च हासिल इक महत्वै आहली उपलब्धि पर लो पांदे होई मंत्री होरें आखेआ जे ओडिशा दे कंधमाल च इक बड्डे आपरेशन च सेंटरल कमेटी दे सदस्य गणेश उइके सने 6 नक्सलियें गी हुनै तगर मारी मुकाया ऐ। उनें एह बी आखेआ जे सरकारै 31 मार्च 2026 थमां पैहले नक्सलवाद गी खत्म करने लेई संकल्प लैते दा ऐ।

## Bangladesh Polls

बंगलादेश दी अंतरिम सरकार नै फही पक्का कीता ऐ जे अवामी लीग अगले राश्ट्री चुनावें च हिस्सा नेई लेई सकडन। एहू चुनावें 12 फरवरी गी होने न। एहदा कारण पार्टी दिऐं गतिविधिऐं दी मुअत्तली ते उन्दे पंजीकरण दा रद्द होना ऐ। चीफ एडवाइजर दे प्रेस सैक्रेटरी शफीकुल आलम होरें आखेआ जे अवामी लीग पर सरकार दा स्टैंड साफ ऐ ते उनें आखेआ जे एहदी सियासी गतिविधि पर पाबंदी लग्गी दी ऐ ते इक सियासी पार्टी दे तौरा पर एहदा रजिस्ट्रेशन मुअत्तल करी दित्ता गेआ ऐ। उनें आखेआ जे इस वजह कन्नै पार्टी औने आहले चुनावें च हिस्सा नेई लेई सकदी। आलम नै कल ढाका च विदेश सेवाएं सरबन्धी अकैडमी च रिपोर्टरें कन्नै गल्लबात करदे होई एहू गल्ल आक्खी। ओहू इक पत्र बारै सोआलै दा जोआब देआ'रदे हे।



## Jitendra-Good Gov.

कार्मिक ते पेंशन विभाग दे राज्यमंत्री डॉ. जितेंद्र सिंह होरें आखेआ जे सुशासन कोई अमूर्त आदर्श नेई ऐ। एहू रोजो-रोज नभाने आहली प्रशासनिक जिम्मेवारी ऐ जेहदी जड़ मूल च पारदर्शिता, जवाबदेही ते नागरिकें पर केंद्रित सेवाएं दस्तेयाबी यकीनी करना शामिल ऐ। दिल्ली च सुशासन दिवस दे मौके पर राश्ट्री कार्यशाला गी संबोधित करदे होई मंत्री होरें जोर पाइयै आखेआ जे बक्ख-बक्ख मंत्रालयें ते विभागें दे आपसी तालमेल नै प्रशासनिक समर्थ बधाई ऐ ते समाज कल्याण दे बेहतर नतीजे सामने आए न। उनें आखेआ जे सुशासन दिवस दी इक बशेष महत्ता ऐ कीजे राश्ट्र साबका प्रधानमंत्री अटल बिहारी बाजपेयी हुं'दी जयंति मना'रदा ऐ जिनें सार्वजनिक जीवन च ईमानदारी आहली सोच गी संस्थागत कीता ते अस सुशासन दी नीहू रक्खी जित्थे लोकें गी तरजीह दित्ती जंदी ऐ।



## India US Trade

भारत तौले थमां तौले आपसी फायदा ते संतुलित बपार बवस्था खोजने लेई अमरीका कन्नै लगातार राबता बनाए दा ऐ। अमरीका च भारत दे राजदूत विनय मोहन कवात्रा होरें आखेआ जे बपार ते टैरिफ पर भारत तौले थमां तौले आपसी फायदें ते संतुलित बपार बवस्था खोजने दी मेद कन्नै अमरीका दे बपार प्रतिनिधि कन्नै लगातार राबते च बने दा रौह्गा। इस ब'रे फरवरी दी शुरूआत च प्रधानमंत्री हुं'दे अमरीका दौरे दरान अमरीका दे

राश्ट्रपति डोनल्ड ट्रम्प हुं दे कन्नै दवक्खिया बैठक लेई माहौल बनेआ हा। भारत केई क्षेत्रें च इक जरूरी ते ठोस तौरा पर सामने आया जेदे इस अंतरिक्ष इक ऐ।

<><><><><><>

## CCPA UPSC

केंद्री उपभोक्ता संरक्षण अथार्टी सी.सी.पी.ए नै यू.पी.एस.सी सिविल सर्विसस परीक्षा 2022 ते 2023 दे नतीजें दे बारै च अपनी अधिकारिक वेबसाइट पर गुमराह करने आहले विज्ञापन प्रकाशित करने आस्तै विजन आई.ए.एस संस्थान पर 11 लक्ख रुपें दा जुर्माना लाया ऐ। एह जुर्माना उपभोक्ता संरक्षण एक्ट 2019 दी उल्लंघना च लाया गेआ ऐ। सी.सी.पी.ए नै आखेआ जे संस्थान नै यू.पी.एस.सी सी.एस.सी-2022 ते 2023च 119 थमां मते सफल मेदवारें दा श्रेय लैनेदास दावा बन्नेआ हा। हालांकि जांच दे मगरा सी.सी.पी.ए नै पाया जे सिर्फ त्रै मेदवारें गै फाउंडेशन कोर्स च दाखला लैता हा। जिल्लै के बाकी 116 मेदवारें शुरूआती ते मुख् म्तेयानें लेई टैस्ट सीरीज ते मॉक इंटरव्यू प्रोग्राम ज्नेही सेवाएं दा विकल्प चुनेआ हा।

<><><><><><>

## Christmas

अज्ज पूरी दुनिया च क्रिसमस मनाया जा'रदा ऐ। दुनिया भर च इसाई, यीशू मसीह दे जन्म दे चेत्ते च क्रिसमस मना रदे न। इस मौके पर लोक क्रिसमस ट्री, रोशनी आहले कागज दे तारे ते माला लाइयै अपने घरें दुआरें गी सजांदे न ते इक-दुए गी तोहफे दिंदे न। सब्बै चर्चे च खास क्रिसमस सरबंधी कार्यक्रम आयोजित होंदे न। पोप लियो इस साल मई च चुने जाने दे बाद पैहली बारी क्रिसमस समारोह दी अध्यक्षता करा करदे न। इस बश्कार प्रधानमंत्री नरेंद्र मोदी अज्ज दिल्ली च कैथेड्रल चर्चा ऑफ द रिडेम्पशन च क्रिसमस दी प्राथना सभा च शामिल होए।

<><><><><><>

## Prez. Tributes

राश्ट्रपति द्रौपदी मुर्मू, उपराश्ट्रपति सी.पी राधाकृष्णन, प्रधानमंत्री नरेंद्र मोदी होरें अज्ज राश्ट्री राजधानी च साबका प्रधानमंत्री अटल बिहारी बाजपेयी हुंदी जयंती पर उंदी समाद्धि सदैव अटल पर पुष्पांजलि अर्पित कीती। साबका उपराश्ट्रपति एम. वैकेया नायडू, लोकसभा अध्यक्ष ओम बिरला, भाजपा दे राश्ट्री अध्यक्ष ते केंद्री मंत्री जगत प्रकाश नड्डा, नितिन नवीन, दिल्ली दिआं मुख्मन्त्री रेखा गुप्ता ते केई केंद्री मंत्रिणं, सांसदें, विधायकें बी उ'नेंगी पुष्पांजलि भेंट कीती।



## Delhi CM Alert Canteen

दिल्ली आदिं मुख्मन्त्री रेखा गुप्ता ते केंद्री मंत्री मनोहर लाल होरें अज्ज भारत रत्न ते साबका प्रधानमंत्री अटल बिहारी बाजपेयी हुंदी 101मीं जयंती दे मौके पर राश्ट्री राजधानी च अटल कैंटीन दा उद्घाटन कीता। मीडिया गी संबोधित करदे होई दिल्ली दिआं मुख्मन्त्री होरें इसी शैहर दे जरूरतमंदेंते कम्मकाजी लोकें लेई इक बड्डी योजना दस्सेआ जित्थे ओहू सिर्फ 5एं रपें च रूट्टी खाई सकडन। उनें उनें दस्सेआ जे अज्ज 45 कैंटीनां शुरू होई गेइयां न जिल्लै के बाकी 55 कैंटीन अगले 15एं दिनें च खुल्ली जाडन।



## Navi-Mumbai

मुम्बई अंतरराश्ट्री ब्हाई अड्डे नै कमर्शियल डुआरी आहली गतिविधियां शुरू करी दित्तियां न जेडा भारत दे सिविल हवाबाजी क्षेत्र लेई इक बड्डी गैंS ऐ। एहू ब्हाई अड्डा मुम्बई मेट्रो पालिटन रीजन च ब्हाई यात्रा दे समर्थ गी बदा करदा ऐ। नमीं मुम्बई अंतरराश्ट्री ब्हाई अड्डे नै इंडिगो दी फ्लाइट नंबर 6 ई-460 दे राहें एहू गतिविधि शुरू कीती जेडी बड्डुलै 8 बजे बैंगलुरू थमां नमीं मुम्बई अंतरराश्ट्री ब्हाई अड्डे पर उतरी।



## PM-Modi Khel

प्रधानमंत्री नरेंद्र मोदी होंरें आखेआ ऐ जे संसद खेल महोत्सव मुलखें गी ज्हारां बहे योग्य ते प्रतिभाशाली एथलीट देआ'रदा ऐ। अज्ज वीडियो कांफ्रेंसिंग राहें संसद खेल महोत्सव गी संबोधित करदे होई मोदी होंरें आखेआ जे संसद खेल महोत्सव दा स्तर ते असर बड़ा मता बधेया ऐ। उनें आखेआ जे खेढ उत्सव नौजवानें दे विकास राहें राष्ट्र निर्माण दे मंत्र कन्नै इक सशक्त थम्म दे रूपै च उभरा करदा ऐ। प्रधानमंत्री होंरें आखेआ जे हा जित शा परे एहू खेड्डां एथलीटें च खेड्ड भावना ते सच्चे सुच्चे तरीके नै खेड्डने आहले मुलखें गी बधांदियां न ते समर्थवान ते अनुशासित नौजवानें दा विकास करदियां ना। तोआई, उधमपुर च जिला प्रशासन नै संसद खेल महोत्सव पर जीवंत वर्चुअल प्रोग्राम लेई बशेष इंतजाम कीते दे ना। जिले दे बक्ख-बक्ख शिक्षा इदारे दे स्पोर्ट्स टीचर ते अधिकारी निर्धारित थाह किट्टे होए ते प्रधानमंत्री हुं'दे आसेआ विद्यार्थिएं ते खड्डारिएं कन्नै कीती गेदी गल्लबात गी लाइव दिक्खेआ।

